



Publicaziuns officialas dils 29-05-2020

Damonda da baghegiar

Nr. 75/2020

Datum da publicaziun: 29-05-2020

Patrun: Candinas Sep Benedetg, 7175 Sumvitg

Liug e parcelas: Sumvitg-Marias; 6324

Object: manteniment e construcziun da mirs schetgs

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 29-05-2020

Cumissiun da baghegiar

Candidats proponi per elecziun communal supplementara (perioda d'uffeci 2019 – 2022)

Tenor art. 21 dalla lescha da votaziuns ed elecziuns ei la suandonta candidatura vegnida annunziada entochen ils 22 da matg 2020 all'administraziun communal.

Cumissiun da baghegiar

Beer Davide, Rabius (niev)

Sumvitg, 29-05-2020

Suprastonza communal

Avis dall'administraziun communal

Sur Anceinza resta l'administraziun communal serrada naven da **mesjamna, ils 10 da zercladur 2020 allas 17.00 uras entochen gliendisdis ils 15 da zercladur 2020 allas 08.00 uras**. Bien engraziament per Vossa capientscha.

Sumvitg, 29-05-2020

Administraziun communal

Temps da vacanzas

Examinaziun dils documents da viadi

En paucas jamnas entscheiva il temps da vacanzas. Persunas che visetan tiaras digl exteriur ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 29-05-2020

Administraziun communal

Communicaziun da traffic

Serrada dalla via da Surrein–tschancun Curtins–Resgia

Igl uffeci cantunal da construcziun bassa preveda la sanaziun dalla via da Surrein sil tschancun Curtins–Resgia. Las lavurs entscheivan ils **25 da matg 2020**. Muort la stretga dalla via eis ei buca pusseivel d'exequir las lavurs sut traffic. Ord quei motiv sto quei tschancun vegnir serraus per scadin traffic naven da gliendisdis, **ils 25 da matg 2020, naven dallas 7.00 entochen venderdis, ils 30 d'october 2020, allas 17.00**. Durent las vacanzas da menaschi dalla interpresa Beer SA (1-8–16-8-2020) ei la via aviarta. In'untgida ei pussevla per vehichels entochen 7,5 tonnas sur Cumpadials–Sumvitg. Per ulteriur sclariment san ins seolver tier il responsabel digl Uffeci da construcziun bassa dil cantun Grischun ni tier il genau da baghegiar dalla vischnaunca da Sumvitg:

Christian Gieriet, telefonin 079 963 03 80

Giusep Bearth, telefonin 079 456 90 97

Nus engraziein per Vossa capientscha e salidein

*Departament da baghegiar
dalla vischnaunca da Sumvitg, Giusep
Bearth
Uffeci da construcziun bassa dil Grischun,
district 6
Christian Gieriet*

Rimnada da plastic

La Regiun Surselva ha introduciu in niev concept per dismetter plastic a moda adattada ed ecologica. Cul sac da rimnar official sa la populaziun dalla Surselva reciclar a moda semplia e correcta emballadis da material sintetic. Avon entginas jamnas han tut ils tenerscasas dalla Surselva retschert ina informaziun pertuccont il niev sac da rimnar plastic ed el medem mument gratuitamein in exemplar da quel. Cun quei slargia la Regiun Surselva sia purschida per ina economisaziun dil rumien adattada ed ecologica. Cul niev sac da rimnar han habitontas e habitonts dalla Surselva naven d'immediat ina semplia via da reciclar plastic. Informaziuns detagliadas davart il concept per dismetter plastic ein disponiblas sin la pagina www.regiun-surselva.ch.

La vischnaunca ei vid las preparativas da realisar l'infrastructura per la rimnada dils sacs cun il plastic. Previu ei da realisar l'auter onn molocs. Entochen realisaziun dils molocs supplichescha la suprastanza communal da dismetter ils sacs cun il plastic directamein a Rueun.

Nus supplichein per enconuschietscha e capientscha.

Sumvitg, 29-05-2020

Departament ambient

Uniun da catschadurs Greina

Salvament d'anseuls-cavriel

L'uniun da catschadurs Greina porscha maun da salvar ils anseuls-cavriel dils motors da segar. Tgi che suppona ni ha observau ina caura-cavriel en siu toc prau ei supplicaus da s'annunziar tiel cautgira, Corsin Giger sut 078 736 97 90 ni tiel guardiaselvaschina Andriu Degonda sut 079 755 14 76. Mesiras da spuental la caura cugl ansiel succedan la sera avon che segar cun pender ora cazzolas. Tgi che peglia in ansiel-cavriel, duei annunziar quei al guardiaselvaschina Andriu Degonda sut 079 755 14 76. Per dapli informaziuns saveis mirar sut www.catschadurs-greina.ch ni www.bkpjv.ch/hege/rehkitzrettung/index.html

L'Uniun da catschadurs Greina engrazia per vies engaschi en favur digl ansiel-cavriel.

Uniun da catschadurs Greina

Rimnada da pupi e cartun

Venderdis, ils 5-6-2020

All'entschatta ina supplica:

Per simplificar in tec nosssa lavur, fussen nus fetg engrazieivels sch'il pupi savess vegnir ligiaus aschia ch'ils pachets dattan buca dapart. Tier il cartun vala il medem. Quei fuss in grond levgiament per nus che rimnein il pupi e cartun. Per mintgina e mintgin da Vus ina pintga caussa e per nus in enorm avantatg. Sche zatgi vul purtar sez siu pupi e cartun tier las muldas, sesanflan quellas **a Rabius, Cumpadials, Sumvitg ed a Surrein.**

La 5. e 6. classa rimnan:

avonmiezdi: Sumvitg–Cumpadials–S. Benedetg e Clavadi

suentermiezdi: Surrein

Il pupi e cartun da Rabius vegn rimnaus d'ina uniun.

Grond engraziament per Vossa capientscha e bunaveglia *Scolaras e scolars cun las persunas d'instrucziun dil Consorzi da scola Sumvitg-Trun*

Mesjamna, ils 3, e gievgia, ils 4 da zercladur rimna la scola superiura pupi e cartun en la vischnaunca da Trun. Las muldas vegnan pustadas a **Pustget** sper il stan da sittar. Naven da mesjamna dallas 14.00 entochen allas 18.00 sa mintgin deponer sez pupi e cartun ella mulda. Scolaras e scolars vegnan a segidar da scargar e da cavigliar ils pacs ella mulda. La gievgia rimnan la scolaras ed ils scolars mo pupi. Il cartun sto mintgin deponer sez ella mulda! Igl ei pusseivel da dar giu pupi e cartun tochen gievgia da miezdi a Pustget. Gievgia rimnan las scolaras ed ils scolars pupi ell'entira vischnaunca. Nus supplichein da deponer il pupi beinligiau en buca memia gronds pacs tochen allas 8.00 avon casa. Ils affons vegnan sco usitau a rimnar duas gadas ad onn pupi. Nus supplichein da buca fierer il pupi ni da transportar sez quel a Rueun. Bien engraziament gia ordavon. *Scola superiura Sumvitg-Trun*